



拈銅管仔的記持

欲暗仔時，我上愛穿短衫短褲恰運動鞋，去阮兜附近的國小行運動埕。莫看行路運動敢若足無議量，去到遐才知影是鬧熱滾滾，人是不止仔濟，清涼的風微微仔吹來，比坐佇厝內吹冷氣閣較爽快。

小小的運動埕，有學生因仔拍籃球喝甲大細聲；較邊仔角的所在嘛有阿公阿媽煮孫仔遐耍球走相逐；跑道有翁仔某無就好朋友那行那開講，猶有少年家耳仔掛耳機，那行那聽手機仔的音樂，逐家的興趣攏無全款，實在真趣味！

毋過，較無彩的就是糞埕濟。去遐運動的學生因仔，大部分攏會買一罐仔涼的，嚇了煞貧情提去糞埕桶擲，結果銅管仔予風吹甲滿四界攏是，實在予人感覺真齷齪。我就提一跤塑膠袋仔那行那拈，心內想講這馬的因仔生活較好，遮的銅管仔佇我細漢的時，是逐家相爭欲愛的寶呢！

以早的人生活較困苦，趁的錢生食都無夠，欲哪有通曝乾。序大人罕得予阮遮的因仔四秀仔錢，所以只好家己變竅，想辦法趁外路仔，拈銅管仔就是阮上恰意的方法。見若騎鐵馬出去坦坦，就會順繼巡看路邊有銅管仔通好拈無？有當時仔，一工拈的銅管仔會使換十箍銀，提來買四秀仔會使食甲真暢！

會記得有一擺，一戶人家辦喜事煞，一包子一包的糞埕擲佇橋跤，一陣野狗共塑膠袋仔咬甲碎糊糊，內底的糞埕掖甲規四界，銅管仔若山咧！予我目睷雄雄金起來，我敢是咧眠夢？大力共喙賴捻一下，閣會疼呢！我毋是咧眠夢，緊共鐵馬抨佇路邊，對橋邊有人行踏過的細條路仔溜落去橋跤，提人擲佇橋跤的塑膠袋仔，共銅管仔一个一个貯起來，一跤貯了閣一跤，心內按算這擺可能賣有一百箍喔！真正是連眠夢都會笑。銅管仔拈幾若包，我彼台鐵馬載袂去，閣驚因仔遮會予人拈走，就偷偷仔共遐的銅管仔，藏佇生甲真茂的草埔仔內，連鞭才閣來載，動作是神祕閣扭掠，袂輸咧作戰。

落尾，算算咧攏總賣一百空五箍，這擺拈銅管仔的記持，我永遠都會記得。

作者：曾菁怡

☆詞彙學習☆

【無議量】bô-gī-niū：無聊、乏味、沒事可做。

【銅管仔】tàng-kóng-á：空的鐵製罐頭罐子。

【齷齪】ak-tsak：心情鬱悶、煩躁。

【生食都無夠，哪有通曝乾】Tshenn tsiáh to bô-kàu, ná ū thang phák-kuann：生吃已嫌不足，哪有多餘的可以曬乾？比喻現實

生活已捉襟見肘，對未來的日子更不敢奢望。

【四秀仔】sì-siù-á：零食、零嘴。

【外路仔】guā-lōo-á：外快。來自本業以外的額外收入。

【喙賴】tshuì-phué：臉頰、面頰。

【抨】phiann：隨便丟、扔，置之不理。

【茂】ōm：草木繁盛的樣子。